

Dumonda Cantieni concernent il svilup da la produczium d'energia solara en il Grischun (vias chantunalas)

Ils 26 da november 2020 ha l'Uffizi federal d'energia publictà il document da basa «Perspectivas energeticas 2050+». En quel document vegnan preschentads differents scenaris pertutgant la purschida d'energia e la dumonda d'energia en Svizra fin l'onn 2050. Tenor il maletg da finamiras «Svizra neutrala al clima fin l'onn 2050» che furma la basa da las «Perspectivas energeticas 2050+» duai la produczium dals implants fotovoltaics vegnir augmentada dad oz 2 TWh sin 34 TWh (40% da la produczium brutta d'electricitad). En Svizra e pia er en il chantun Grischun duai la produczium dals implants da fotovoltaica gidar essenzialmain a midar ad ina produczium d'energia or d'energias regenerablas ed a reducir il CO₂ fin l'onn 2050.

En sia resposta a la dumonda Cantieni concernent la produczium d'energia solara vi da stabiliments d'infrastructura e vi d'edifizis dal chantun è er la Regenza da l'avis che cun la produczium d'energia solara possia er il chantun gidar a cuntanscher las finamiras da la politica d'energia da la Confederaziun e dal chantun. Plinavant scriva la Regenza ch'ella haja l'intenziun d'examinar pli detagliadamain las pussaivladads per implants fotovoltaics er en connex cun projects da vias, sch'i sa tracta da trajects che dovran energia electrica per lur manaschi.

Sin basa da questas explicaziuns supplitgeschan las sutsegnadras ed ils sutsegnaders la Regenza da responder las suandantas dumondas:

1. Hai pudì vegnir examinà, sch'i pudessan vegnir installads moduls da fotovoltaica sin singuls trajects da vias che dovran energia electrica per lur manaschi?
2. Sche quai è pussaivel, en tge dimensiun pensa la Regenza da cumpletter ils singuls trajects da via?

Tavau, ils 21 d'avrigl 2021

Cantieni, Bigliel, Rettich, Baselgia-Brunner, Brunold, Buchli-Mannhart, Cahenzli-Philipp, Caluori, Casutt-Derungs, Caviezel (Cuir), Crameri, Danuser, Degiacomi, Della Vedova, Deplazes (Rabius), Epp, Fasani, Florin-Caluori, Föhn, Gartmann-Albin, Horrer, Kienz, Kunfermann, Maissen, Märchy-Caduff, Müller (Favugn), Müller (Susch), Natter, Preisig, Sax, Schutz, Tomaschett-Berther (Trun), Ulber, von Ballmoos, Zanetti (Landquart), Decurtins-Jermann, Pajic, Spadarotto, Stieger, van Kleef